

准言乞

勅廷臣計議行雲南按察司着落各衛府查勘所屬鄉村
也堡城郭云處但有江西等處客商不問
人引新舊盡數拿解原籍當差不許託故
稽遲及窩藏隱蔽連累家人等一体治罪
庶使邊食稍寬奸弊斯革矣

前件行雲南按察司查究

不許縱容窩主老引客商例

成化二年六月初十日禮部等衙門題為建言民
情等事成化二年月日不等於禮科抄出陝西漢
中府城固縣等衙門知縣等官朝海等建言民情
事件通政使司通政使張文質等奏勘係建言事
理合着禮部抄出會官議奏奉

聖旨是欽此欽遵抄出到部會同各部都察院通政司大
理寺六科給事中議得除有例見行及泛言難准
外內四十九件合准所言宜從吏部等衙門查勘
定奪施行各官奏奉

聖旨是欽此

計開

福建都指揮使司經歷王儀言一件老引客

商爲非等事臣切見天下江西等布政司府
州縣軍民人等給引出外中盜買賣等項客
商年久在外寓住人家娶妻生子展轉串賣
真僞引目冒支官鹽奸盜詠偽靡所不爲或
三五年二三年者轉買原籍文引入舊引新
避住不肯還鄉拋下糧差軍匠等項負累里
老親鄰有將資本花用俱尽因而結構爲強
竊盜者似此非爲不可勝計及見近年以來
四川兩廣湖廣等處強盜生發中間多係老
引客商結黨爲非若不挨究拿解誠恐天下
府州縣多有此等客商雖蒙勘合挨拿其所
在官吏里老聽其買贖視爲虛文不行挨解
得以自由誠爲未便如蒙乞

勅法司轉行各處巡撫巡按及布按二司等衙門行下所

轄府州縣出榜於人煙輳集去處張貼着落
該坊里隣人等逐一收拿究治但有此等年
遠客商不分文引新舊連家小釘解程迨復
業仍將解過人數造冊繳報合于上司若有
隣里仍行縱容寓住老引客商十戶不首者
事發一体治罪如此庶得軍匠不致失役盜
賊不得最生父母得其終養實爲便益